

淨土十要

一冊

如來一代所說一切法門。雖則大小頓漸不同。權實偏圓各異。無非令一切衆生。就路還家。復本心性而已。然此諸法。皆須自力修持。斷惑證真。了生脫死。絕無他力攝持。令其決于現生。入聖超凡。成就所願也。唯淨土法門。仗佛誓願攝受之力。自己信願念佛之誠。無論證悟與否。乃至煩惑絲毫未斷者。均可仗佛慈力。卽於現生。往生西方。旣得往生。則已證悟者。直登上品。未斷惑者。亦預聖流。是知淨土法門。廣大無外。如天普蓋。似地均擎。統攝羣機。了無遺物。誠可謂十方三世一切諸佛。上成佛道。下化衆生。成始成終之總持法門。三根普被。利鈍全收。上之則等覺菩薩。不能超出其外。下之則逆惡凡夫。亦可預入其中。暢如來出世之本懷。開衆生歸元之正路。故得九界同歸。十方共讚。千經俱闡。萬論均宣也。而況時值末法。人根陋劣。捨此別修。不但具縛凡夫。莫由出離生死。卽十地聖人。亦難圓滿菩提。以故文殊。普賢。馬鳴。龍樹。遠公。智者。清涼。永明。悉皆發金剛心。爲之宏贊。以期六道三乘。同得橫超三界。復

本心性也。竺震著述多難勝數。蕩益大師選其最契時機者九種。併自所著之彌陀要解。名爲淨土十要。欲學者由此具識如來度生之要。與一法普攝一切諸法之所以然。大師逝後。其門人成時。欲徧界流通。恐文言繁長。卷帙博大。費鉅而難廣布。遂節略字句。于各要敘述意致。加以評點。實殺費苦心。惜其自恃智能圓照。隨閱隨節。不加復勘。卽行付刊。致文多隱晦。兼有口氣錯亂。詞不達意之處。民國七年。徐蔚如居士見訪。以彼經理刻藏經事。因祈彼搜刻原本。彼後卽刻彌陀要解。西方合論二種。今具得原本。李圓淨居士擬照前十要章程重刊。凡時師所作序述評點。一一照錄。唯補時師之歉缺。不滅時師之苦心。仍作四冊。以所節有多少不同。故卷須重調。西齋詩念佛直指。昔則前後倒置。今調令適宜。各冊末附各要文。及徹悟語錄。又另以往生論註。蓮華世界詩。合一冊。作附本。共成五冊。均與十要文義宗旨符合。了無差殊。如帝網珠。互相掩映。令諸閱者。深知淨土法門。爲一切諸法之歸宿。一切諸法。無不從此法界流。無不還歸此法界也。民國十九年庚午冬。常慚愧僧印光謹撰。

靈峯滿益大師選定淨土十要重刻序

此序西獨
潘存評點

淨土法門者，法界緣起也。何謂法界？吾人現前一念之心，不唯非塊然，亦復非條爾。纔有能起，卽屬所緣，非能緣者，不得已強名之曰無相。然虛空兔角，亦受無相之名。而虛空有表顯相，兔角有斷無相，非真無相。又不得已強名此無相曰真。唯其無相而真，故十方三世依正色心自他凡聖等法，皆在我現前一念無相真心中炳然齊現。而皆以自心爲體，非別有物。心無相而真，從心所現一切諸法，莫不無相而真。是故於中隨拈一毫末，一一皆具十方三世依正色心自他凡聖等法，而無餘欠。乃至一欸一掉，一名一字，罔非自心之全體大用。而欸掉名字之外，更無一法可得。此所謂法界也。何謂法界緣起？聖凡皆此法界，非麤妙，無減增，不涉生死，不干迷悟。而悟順法界故，出生二種涅槃。迷逆法界故，妄現二種生死。迷逆生死，法界宛然。無奈衆生從未悟故，終不能了。諸佛菩薩愍之，從一真法界，起種種因緣。世出世間，事類無算。一介螻螳，萬聖互援。神力既同，慈心亦等。而衆生迷逆妄故，受化不齊。於諸佛菩

薩平等光中，有有緣無緣，及緣中淺深久近之異，緣分差等，化辨從違，若或無緣，徒

勞引領，此所謂法界緣起也。是故建化門中，只論繫珠一義，如法華妙典，廣談宿因。下三段引證深密，須精研之。

先聖以四釋闡明。因緣釋、約教釋、本迹釋、觀心釋。而必以因緣居首，由緣匪一，故教網弛張，由教無

方，故恩德貫徹。指本迹。由恩不可窮盡，故得消歸自己，領納家珍。指觀心。故知因緣，卽第

一義。從上列祖，極重時節，因緣良以無法與人，亦無語句，情種熟處，假說心傳，儻其

不然，契理而不契機，有句盡成非量，空華界裏，無自立宗。華嚴大經，王於三藏，末後

一著，歸重願王，夫衆生情愛牽連，幻成世界，妄執緣影，遂立前塵，觸之則生死浩然，大義煌煌，無敢擬議。

究竟皆歸於業海，然而業繫之內，尚且天經地義，萬邦作孚，況諸佛菩薩悲智無涯，此引三、六、道、因、緣、爲、喻。

色心俱寂，本真如以起用，稱法性以垂機，觸之則生死銷亡，究竟皆同歸祕藏，大事

該乎九界，深恩施首異於塵年，無不從此法界流，無不還歸此法界，此與六環業繫，爲

何如，而可反恣睢，違不從標準，是旨也，精研藏教，備考羣宗，由忍土而遐攬十虛，從

末流而曠觀三際，則求生淨土一法，誠法界第一緣起矣。說者謂阿彌願勝，駕越諸下三段專就淨土明因

方然諸佛願等子等心等法性海中那容優劣而千經萬論極口指歸樂邦十方廣

長同聲勸讚光壽者何哉緣在故耳緣何謂在信也何謂不在不信也信不在處惡的的

業障之如夜行者滅火而趨險道如破浪者卷帆而鼓橫橈事同背馳寧止紆曲又指迷

諸佛四土上三土容有橫義秘至同居土大都有豎無橫唯極樂同居橫具四土是故秘密故

有情以凡夫而例一生補處國土即緣生而顯稱性五塵佛身因應化而見法身真顯露故

常說法從衆鳥而聞梵音深遠以要言之法法圓融塵塵究竟從未道破教海無一名相可窒

蹄法門無一因果可比擬然此等希有十方罕聞而唯在極樂者何哉緣深故耳緣

何謂深信深也何謂淺信淺也信根淺處恆情域之的的指迷如朝廷之有資格高才皓齒而

不遷如麟鳳之於走飛羽道毛羣而一類何由大方闊步豁破無明又諸佛度生皆

窮累劫從凡階聖不退為難今求生極樂但七日竭誠十念傾注雖陷惡逆悉記往

生纔得往生便圓踞三不退地且見阿彌即見十方諸佛生極樂即生一切刹海乃

至阿彌一光極樂一塵悉能於中頓證十方三世依正色心自他凡聖等法而不出心體全顯

刹那際三昧夫諸佛度生如彼難阿彌度生如此易者何哉緣久故耳緣何謂久信
久也何謂近信近也信緣近處時分限之如捨調弓而引弩弣如放馴駢而服野駝

戰勝之功當在異日如上所論專重有緣緣深則境界難思非等覺十地所能測緣

久則神力迅速非三祇百劫所可倫要之阿彌非有加於吾心也吾心一念離絕故

夫例補處指橫具四土聖凡無在吾心萬法頓融故四土無在吾心不屬時劫故十世刹那無在吾心不屬

方隅故微塵刹海無在吾心歎乎哉特仗增上因緣一顯發之耳曾有久習神呪者

一夜重魔見罽物持之置巨石下其人怖急憶誦素所習呪遂見罽物倒散裂石而

醒設素未習呪或習未純熟緣種不深斯時也欲不寐死得乎然夢中真言復是何

物倒罽裂石誰實使之皆即我現前一念之心也自心神呪喚醒自心魔人淨土法

門亦如是自心之阿彌還度自心之生死故知因緣之義甚深甚深抑聞魔之重者

不許持光照照即死不許抱令起抱多失心唯就闇中俾熟識者大呼其名連聲呼

之無不解者淨土法門亦如是劫濁盛時衆生魔重母以持名雜參話母以蠱心習

勝觀雜參話則濁智騰波定起邪見所謂照之即死者也習勝觀則非其境界定起

魔事所謂抱多失心者也唯以現前一念無明業識之心令其專稱阿彌陀佛名號

無間一心未有不親證親到者法門至此愈卑而愈不勝仰愈淺而愈不可俯自呼

自應自魔自醒一心之本元頓彰法界之體用全揭無庸鑽仰祇麼修行儻未悟透

根源寧可顯蒙合妙夫顯蒙念佛至矣極矣無復加矣但恐法門之戲論難忘生死

之天懷不切或執牟尼而視同瓦礫或以指爪而撮摩虛空或抉醫而與眼以明或

傳經而苦舌之鳩如此則揚之與抑總莫暢乎本懷而信之與疑皆不成乎三昧閒

有大智知進知退知存知亡而未遘至人未獲圓悟未窮極致未學要詮欲升永明

之堂入楚石之室居五濁之世聞難信之宗殊非聊爾嗚呼至人幽矣圓悟皇哉若

無要詮誰與窮極昔靈峯老人以正法眼選定淨土十要一書劄劂未全乙未之後

梨棗四散迄丁未年焚失數種成時竊念像季久轉唯此一門契理契機而淨土諸

書唯此諸要盡美盡善爰加點評稍事節略又做慈雲懺儀二門合行之例會幽谿

二要爲一要。自以觀經初門，彌陀行儀二種，謬附之。其序首要解，尊經也。要之要也。次慈雲，重行也。次新附二種，亦行經也。三者而後，則天台，紫閣，師子林，鄞江，西齋，幽谿，以迄於袁，皆以時也。又天台以論主冠本宗，袁以白衣殿，不盡以時也。訂訖，倡募

流通，而大心緇白共成焉。修捨沙門成時，推赤心置人腹中合掌稽首，重爲告曰：淨土持名之法，有三

大要焉。一者六字弘名，念念之間，欣厭具足。如出幽獄，奔託王家，步步之間，欣厭具

足。是故萬緣之睡，不食衆苦之忍，莫回。高置身於蓮華，便訂盟於芬利。蛆蠅糞壤，可

殺驚慙。二者參禪，必不可無淨土爲防。退墮寧不寒心，淨土必不可入禪機。意見稍

乘，二門俱破。若夫餘宗，在昔之時，不必改絃，但加善巧迴向。在今之世，祇可助行，必

須淨業專修。冷煖自知，何容強諍。三者一句彌陀，非大徹不能全提，而最愚亦無少

欠。儻有些子分別，便成大法魔殃。只貴一心受持，寧羨依稀解悟。乞兒若見小利，急

須吐棄無餘。棒打石人頭，曝曝論實事。已上三要，頗切今時。儻能真實指迷，我願捨

身供養十方三世，共聞此言。戊申端陽日，相似菩薩近住男成時稽首書於華陽度

淨土十要杭州重刻序

淨土十要者。乃靈峯大師徹底悲心之所結集也。堅密大師剖心瀝血之所流通也。自古宏淨土者。未有如此直剖心宗。力救時病。可謂將法王最勝寶藏。一旦盡開。普施大地衆生現成受用。猶有不肯死心承當者。真是愚之甚癡之極矣。靈峯云。深信發願的爲淨土指南。由此而執持名號。乃爲正行。若信願堅固。臨終十念一念。亦決得生。若無信願。縱將名號持至風吹不入。雨打不溼。如銀牆鐵壁相似。亦無得生之理。修淨業者。不可不知。堅密云。六字洪名。念念之間。欣厭具足。如出幽獄。奔託王家。步步之間。欣厭具足。是故萬緣之唾不食。衆苦之忍莫回。又云。一句彌陀。非大徹不能全提。而最愚亦無少欠。儻有些子分別。便成大法魔殃。此乃二大師哀憐末世之大慈大悲真語實語。大舌輪之所同說。金色臂之所常垂。皆此意也。願深思之。願深思之。愧哉。吾本屠門之子。地獄之人。賴佛光垂照。善友提攜。乃知厭苦。發心出家。屢

蒙師友重重開示。始慕宗乘。愧宿障深厚。參究數年。只解偏空而已。於咸豐辛酉。在明因寺。忽遭兵災。方覺前來學未真實。幸佛恩加被。在大難中。雖傷一足。猶可奔逃。遂隱居於普陀佛頂山慧濟寺。於夏月間。細閱此書。感激之至。如多年闇室。忽遇明燈。可惜從前不肯細讀。空過光陰。悔之不及。自此盡棄舊習。專學持名。欲具欣厭。故然兩指。十念記數。皆從此起。有淨侶妙能大師。與余頗似宿緣。一見歡喜。乃共行之。見十要序云。像季久轉。唯淨土一門。契理契機。而淨土諸書。唯此諸要。盡美盡善。因兵燹之後。此板無存。遂發誠心。勸募重梓。唯願十方三世。共遵此書。同念彌陀。同生淨土。方慰諸佛廣長。二師願力也哉。同治十一年壬申夏日。戀西學人玉峯古岷。在明因寺西樓。敬燃臂香四十八炷。供養阿彌陀佛。稽首謹序。

淨土十要揚州重刻序

甲午年春王月。望日。吾弟某。不辭勞苦。持古本十要而來。云及此書多謗禪宗。噫。若現身說法作謗會。是真謗矣。夫諸宗讚揚者。皆法也。所呵者。皆弊也。如我禪宗呵斥教律淨土

者尤甚。豈可竟作門庭人我鬪爭法會耶。其實法法平等。一一皆同出於一源。我佛豈有自相矛盾之理乎。故楞嚴二十五大士。位位第一。獨大勢至一章。與其同倫五十二菩薩證入。足驗法門收機普。利益廣。易於成就者。不言可知。憶我始祖釋迦一代宣揚。處處指歸。此法乃當機之當機。又第一之第一。可以不必排抑矣。故列祖弘通修持者。不一而足。但我等多隨流俗知見。出口入耳之學。未肯曠觀古今。沈思默會其義。謂愚夫愚婦之工夫耳。倘能入得此門。法法皆不相背。何觸之有。請深思之可也。否則。滿目盡是荆棘泥途。豈能博覽諸宗。徧遊法界。受百城煙水知識之益乎。清光緒二十年甲午七月佛歡喜日書成。釋觀如略序。緣起於廣陵藏經禪院之清泰室中。

淨土十要總目

第一册共八十一頁

序四篇
計六頁

淨土十要第一計三十二頁

阿彌陀經要解

無量壽經四十八願

淨土十要第二計十七頁

往生淨土懺願儀

往生淨土決疑行願二門

淨土十要第三計十一頁

觀無量壽佛經初心三昧門

阿彌陀經行願儀

淨土十要第四計十五頁

淨土十疑論

法照傳

慧日傳

蓮華勝會錄文

淨業禮懺儀序

第二册共七十一頁

淨土十要第五計二十二頁

念佛三昧寶王論

淨土十要第六計二十二頁

淨土或問

淨土十要第七計二十七頁

西齋淨土詩

蓮池答曹魯川書

滿益開示法語二則

第三册共八十一頁

淨土十要第八計五十二頁

寶王三昧念佛直指

淨土十要第九計二十九頁

淨土生無生論

續淨土生無生論

淨土法語

省庵勸發菩提心文

圓觀等九人傳

第四册共一百零五頁

淨土十要第十

西方合論計六十七頁

徹悟語錄計三十八頁

第五册共一百零五頁

淨土十要附本

往生論註計五十二頁

蓮華世界詩計五十三頁

勸修淨土詩并功德人名

靈峯滿益大師選定淨土十要第一

述曰。佛法之妙。莫要於淨土。淨土之妙。莫要於持名。持名之妙。莫要於小本阿彌陀經。小本之妙。莫要於靈峯要解。儻未讀要解。或讀未精詳。或精詳未貫徹。便謂於小本無不知。無不信。無不悟入。可乎。既於本經有未盡。一行三昧。如何修行。既未善持名。淨土玄關。如何優入。既未階淨信淨願。十方三世佛祖大道。如何荷擔。然則要解之有關於十方三世佛祖大道也。甚矣。今定十要。以要解爲上首。厥義有三。一祖佛經。以小本爲淨土諸經之最要故。二重持名。以末法修行。總以持名爲行本故。三立本經之大宗。以今解精徹確正。堪爲要中之要。故讀十要者。請以要解爲主。以餘九爲伴。能令邪解莫入。能令意見不容。能令心宗圓明。能令美善雙盡。夫然後不愧爲眞學佛者。夫然後不自誤誤人。夫然此後必生淨土。夫然後可學一切佛法。夫然後知十方三世佛祖之大道。舉不外乎此矣。

佛說阿彌陀經要解重刻序

淨土深旨，濫始於觀經之觀佛，匯澤於小本之持名。二經蓋不思議無上心要也。釋
 妙觀者，有天台聖祖大宗，稱經發明要矣。釋小本者，振古於斯，諸美畢備，以言心要，
 似有待焉。歲在丁亥，靈峯大師述成要解，如燈照色，而非光華，以義定名，而非擬議。
 不過道屋裏事，而聆者若驚，不外布帛菽粟之譚，而未曾有諸凡橫豎四土事理一
 心罔弗精義入神，要歸允當。使學者了然知生信發願，以起妙行，無縛焉矣。爾小本
 得是疏，便覺一行三昧，橫吞萬派，而卓立孤標，事出非常，而道在伊邇，深固幽遠之
 藏，一旦盡開。吾聞善善之家，機理雙契，是故矢必應絃，藥必應病。今要解逗末世機，
 能提深警徹悟之人，俾其法界圓昭，盡杜虛解邪僻之習，又能使中下之輩，信而有
 勇。至於正譌訂誤，纖巨不遺。渾然德音，方正不割。誠諸祖所密印，諸佛所共加，以為
 劫外優曇，掌中摩勒，匪阿也。癸巳歲，大師在歙浦演說，釋義分科，間有不同，尤覺聞
 所未聞，信所未信。華陽學人性旦錄出，名歙浦本。今重梓十要，遂以此本授鈔，謹序
 而識之。時戊申端陽後三日也。古歙學人成時和南書。

佛說阿彌陀經要解

姚秦三藏法師鳩摩羅什譯

清西有沙門滿益智旭解

原夫諸佛憫念羣迷，隨機施化，雖歸元無二，而方便多門。然於一切方便之中，求

即心是佛 即佛是心

其至直捷至圓頓者，則莫若念佛求生淨土。又於一切念佛法門之中，求其至簡

務不假方便

易至穩當者，則莫若信願專持名號。是故淨土三經並行於世，而古人獨以阿彌

陀經列爲日課，豈非有見於持名一法，普被三根，攝事理以無遺，統宗教而無外，

尤爲不可思議也哉。古來註疏，代不乏人。世遠就湮，所存無幾。雲棲和尚著爲疏

鈔，廣大精微，幽谿師伯述圓中鈔，高深洪博，蓋如日月中天，有目皆覩。特以文富

義繁，邊涯莫測，或致初機淺識，信願難階。故復弗揣庸愚，再述要解，不敢與二翁

競異，亦不必與二翁強同。譬如側看成峯，橫看成嶺，縱皆不盡廬山真境，要不失

爲各各親見廬山而已。將釋經文，五重立義。

第一釋名。此經以能說所說人爲名。佛者，此土能說之教主，卽釋迦牟尼乘大悲

願力，生五濁惡世，以先覺覺後覺，無法不知，無法不見者也。說者，悅所懷也。佛以

自覺覺他

覺行圓滿

度生爲懷，衆生成佛，機熟爲說，難信法，令究竟脫，故悅也。阿彌陀，所說彼土之導

師，以四十八願，接信願念佛衆生，生極樂世界，永階不退者也。梵語阿彌陀，此云

無量壽，亦云無量光。要之功德智慧，神通道力，依正莊嚴，說法化度，一一無量也。

一切金口，通名爲經，對上五字，是通別合爲題也。教行理三，各論通別，廣如台藏

所明。

第二辨體。大乘經皆以實相爲正體。吾人現前一念心性，不在內，不在外，不在中

作道理領過

間，非過去，非現在，非未來，非青黃赤白，長短方圓，非香，非味，非觸，非法，覓之了不

可得，而不可言其無，具造百界千如，而不可言其有，離一切緣慮分別，語言文字

相，而緣慮分別，語言文字，非離此別有自性，要之離一切相，卽一切法，離故無相，

卽故無不相，不得已強名實相，實相之體，非寂非照，而復寂而恆照，照而恆寂，照

學者須如此深研，痛拶，不可徒落，在語言